

इवनिंग डोगरी न्यूज़ बुलेटिन

समे .18:15 Hrs

<><><><><><>

## Headlines

1. लेफ्टिनेंट गवर्नर मनोज सिन्हा होंरें जी.एस.टी प्रणाली च अगली पीढी दे सुधारें लेई प्रधानमंत्री नरेंद्र मोदी ते वित्त मंत्री निर्मला सीतारमण हुंदा आभार जतांदे होई आखेआ ऐ जे इस गेंड कन्नै M.S.M.E ते करसान सशक्त बनडन ते माल तैयार करने आहले खेत्तर गी बढावा मिलोग।
2. जी.एस.टी. काउंसल नै आम माहत्तू, श्रमिकें कन्नै जुडे दे उद्योगें अर्थ बवस्था दे मुख खेत्तरें गी ध्यानै च रखदे होई बक्ख-बक्ख दरें गी युक्तिसंगत बनाने दी मंजूरी दिती ऐ।
3. लेफ्टिनेंट गवर्नर मनोज सिन्हा ते मुखमंत्री उमर अब्दुल्ला होंरें हिमाचल प्रदेश दे कुल्लू च ल्हास-पस्सियां पौने दी घटना पर ठूंगा दुख जताया ऐ जेदे च जम्मू-कश्मीर दे बसीनकें सने कई लोकें दे मारे जाने दी खबर ऐ।
4. जम्मू-श्रीनगर राश्ट्रीय जरनैली शिडक, मुगल रोड ते सिंथन रोड गड्डियें दी आओजाई लेई अजें बी बंद न, इनें'गी बहाल करने लेई जत्त बरोबर जारी न।
5. खराब मौसम ते ल्हास-पस्सियां पौने दिएं घटनाएं दे चलदे श्री माता वैशुणो देवी जी दी जात्तरा अज्ज उप्परोतली 10में ध्याडे बी बंद ऐ।



## LG-GST Reform

लेफ्टिनेंट गवर्नर मनोज सिन्हा होरें जीएसटी प्रणाली च अगली पीढी दे सुधारें लेई प्रधानमंत्री नरेंद्र मोदी ते वित्त मंत्री निर्मला सीतारमण हुंदा आभार जताया ऐ। सोशल मीडिया मंच 'एक्स'पर कीती गेदी इक पोस्ट च एल.जी होरें एकडे सुधारें लेई प्रधानमंत्री ते वित्त मंत्री हुंदा दिली धन्नवाद कीता ऐ। उ'नें आखेआ ऐ जे एह सुधार भलेआं लौहके, लौहके ते दरम्याने दर्जे दे उद्यमें यानि एम.एस.एम.ई सने करसानें गी सशक्त बनाडन ते माल तैयार करने सरबंधी खेत्तर गी बी होर उबडा चुक्कडन। श्री सिन्हा होरें इ'ब्बी आखेआ ऐ जे इस गैड कन्नै जीन-जीने ते कारोबार करने दे तौर-तरीकें च सखाल होग ते भारत दी तेजिया कन्नै बधा करदी अर्थ बवस्था गी बी मती मजबूती थहोग।



## GST Reforms

GST परिषद नै टैक्स दियें नमियें दरें गी मंजूरी दिती ऐ जेदे च खास ध्यान आम-आदमी, करसान राई-बाई ते सेहत सने अर्थव्यवस्था दे होरनें चालकें उप्पर दिता गया ऐ। कल राती नमीं दिल्ली च मीडिया कन्नै गल्ल करदे होई खजाना मंत्री निर्मला सीतारमण होरें आक्खेया जे आम-आदमी ते दरम्याने तबके दे इस्तेमाल आहले समयानें पर GST 18 जां 12 फीसदी थमां घटाइयै 5 फीसद करी दिती गेई ऐ। एह सारे बदलाव इस महीने दी 22 तरीक यानी पैहले नवरात्रे थमां लागू होगं। सीथारमन होरें आक्खेया ऐ जे इस कन्नै आम –आदमी आस्तै बी बीमा पालसियां सस्ती होई जागंन ते मुल्लखै च होर मते लोग इन्दा लाह चुक्की सकगंन।



## GST-Reforms Hailed

वस्तु ते सेवा कर च हाल च कीती गेदी कमी दा रियासी जिले दे बसनीकें ते कारोबारिएं सौआगत कीता ऐ। मकामी लोकें मेद जाहिर कीती ऐ जे इस कमी कन्नै लौहके कारोबारिएं, दुकानदारें ते उपभोक्ताएं गी राहत थहोग। मुकामी कारोबारिएं मुजब एहदे कन्नै जरूरी चीजें-बस्तें दी कीमतें च बदलाव होग ते लोकें लेई उनेंगी खरीदना सौक्खा होग। फैसले दा सौआगत करदे होई जीएसटी दी दर घट्ट होने कन्नै खित्ते च आर्थिक गतिविधिएं च बाद्दा होग। उनें आखेआ।



## CM-Kullu

उपराज्यपाल मनोज सिन्हा ते मुखमंत्री उमर अब्दुल्ला होरें हिमाचल प्रदेश दी कुल्लू थाहर ल्हास-पस्सियां पौने आहली घटना पर दुख ते बसोस जाहिर कीता। इस घटना च कई लोक मारे गए न जेदे च जम्मू-कश्मीर दे बसनीक बी शामिल ना। मुखमंत्री हुंदा दफतर कुल्लू दे मुकामी प्रशासन दे संपर्क च ऐ। जम्मू-कश्मीर विधानसभा च विपक्ष दे नेता सुनील शर्मा होरें बी इस घटना पर दुख ते बसोस जाहिर कीता ऐ। उनें आखेआ जे ओहू इस घटना दी खबर करी बड़े मते दुखी होए ना। एहदे च कई कीमती जानें दा नुकसान होआ ऐ जेदे च जम्मू-कश्मीर दे बसनीक बी शामिल ना। उनें सौगी परौआरें कन्नै अपनी हमदर्दी बी जाहिर कीती।



## IMCT

केन्द्री गृह मंत्रालय आसेया भेजी गेदी 7 मिम्बरी अंतर मंत्रालयी उच्चि सतह दी केन्द्री टीम कल संजा नमीं दिल्ली थमां जम्मू पुज्जी, जेह्डी जम्मू प्रांतै दे सब्भनें 10एं जिलें दा दौरा करियै जमीनी हालात दा जायजा लैग ते अपने तत्थें कन्नै 7 सितम्बर गी राजधानी परतोई जाहग। आकाशवाणी दे जम्मू संवाददाता नै जानकारी दिती ऐ जे इस टीम दी अध्यक्षता राष्ट्रीय आपदा प्रबंधन प्राधिकरण दे कारवाइयें ते संचार सरबंधि सलाहकार कर्नल के.पी. सिंह करा रदे न। एह टीम अज्ज जम्मू, साम्बा ते कठुआ जिले दा दौरा करा करदी ऐ, जिसलै जे 5 सितम्बर गी एहदा उधमपुर, रियासी ते रामबन, 6 तरीक गी किशतवाड़ ते डोडा ते 7 तरीक गी पुंछ ते राजौरी जिले दा दौरा लाने दा कार्जक्रम ऐ।

<><><><><><>

## PTC-Announcement

आकाशवाणी जम्मू दे क्षेत्रीय समाचार एकांश आसेआ जम्मू जिले लेई अंशकालिक संवाददाता यानि PTC लेई दरखास्तां मंगियां गेइयां न। इच्छुक आवेदक जेह्दी उमर 24 थमां 50 बरें दे बश्कार ऐ ते ओह जम्मू जिले दा रौहने आहला ऐ, एदे लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रैजुएशन ते पत्रकारिता च 2 बरें दा तजुर्बा होना लोड़चदा ऐ। मेदवार गी कम्प्यूटर पर खबरां बनाने ते मीडिया कवरेज दे अनुभव सने सरबंधत लोड़चदे उपकरणें वगैरा दा इस्तेमाल करना बी औना चाईदा। आवेदक जिला सदर दफ्तर दी 10 किलोमीटर दी हद् दे अंदर-अंदर रौहदा होना चाईदा ऐ। दरखास्त ते लोड़चदे दस्तावेजें दी

काँपी मेदवार गी क्षेत्रीय समाचार एकांश आकाशवाणी पंजतीर्थी जम्मू च 14 September 2025  
संजा 6 बजे कोला पैहले- पैहले आइयै दस्ती जमा करोआनी होग। इस बारै व्यापक जानकारी  
आकाशवाणी दी वेबसाइट [www.newsonair.gov.in](http://www.newsonair.gov.in) पर उपलब्ध ऐ।

<><><><><><>

## Highway Closed

ट्रैफिक मैहकमे नै अज्ज आकखेया ऐ जे जम्मू-श्रीनगर राष्ट्रीय जरनैली सिडक- मुगल रोड ते सिन्थन  
आहली सिडक अजें बी बंद न- उआं रस्ता साफ करियै इनेंगी गड्डियें दी आओ-जाई जोग बनाने लेई  
जतन बरोबर जारी न। मैहकमे नै आम लोकें अगगे अपील कीती ऐ जे ओ उच्चर इनें सिडकें पर यात्रा  
नेई करन जिच्चर रस्ता पूरी चाली साफ नेई होई जन्दा ते एहदे बारे औपचारिक तौरा पर कोई  
ऐलान नेही करी दिता जन्दा। लोकें अगगे अपील कीती गेई ऐ जे ओ अफवीहें पर यकीन नेही करन।  
जानकारी मुजब श्रीनगर-सोनामर्ग-गोमरी सडकें पर गड्डियां जारी सलाह मताबक रमानदारी  
आहले ढंगै सिर चलै करदियां न। लोकें गी सलाह दिती गेदी ऐ जे जम्मू-कश्मीर ट्रैफिक पुलस दे  
अधिकारिक ट्वीटर ते फेसबुक पर जानकारी हासल करने शा पैहले रस्ता साफ होने दी तस्दीक  
कीते विजन-कुसे बी सफर पर नेही निकलन।

<><><><><><>

## Mughal-Road

मुगल शिडक जेडी पुंछ ते राजौरी गी शोपियां कन्नै जोडदी ऐ, पर गड्डिएं दी आओजाई बहालकरने  
लेई कम्म जोरें-शोरें कन्नै जारी ऐ। एहू शिडक ल्हास-पस्सियां पौने ते थाहरें-थाहरें मलवा किट्टा  
होने करी गडिडएं दी आओजाई लेई बंद ऐ। अमले ते मशीनें गी कम्में पर लाया गेदा ऐ तां जे  
शिडक पर यातायात तौले बहाल होई सकै। सरबंधी मैहकमे दे अफसरें तस्दीक कीती ऐ जे कम्म

जारी ऐ ते तौले गै इसी बहाल कीता जाग। मौसम दी स्थिति बी बेहतर होई ऐ जेदे कन्नै कम्मै च तेजी आई ऐ।



## Vaishno-Devi Yatra

श्री माता वैश्वो देवी जात्तरा अज्ज लगातार 10में रोज बी बंद ऐ। एह जात्तरा खराब मोसम ते जात्तरा आहले रस्ते पर ल्हास-पस्सियां पौने आहली घटना करी बंद ऐ। भारी बरखें करी आए दे चानचक्क हाड ते ल्हास-पस्सिएं करी श्रद्धालुएं दी सुरक्षा लेई खतरा पैदा होई गेदा हा। प्रशासन नै जानकारी दिती ऐ जे कम्म जारी ऐ। एह कम्म श्राइन बोर्ड, एन.डी.आर.एफ, एस.डी.आर.एफ ते मुकामी प्रशासन आसेआ कीता जा'रदा ऐ। मौसमी हालात बेहतर होने ते रस्ते गी सुरक्षित घोषित करने मगरा गै जात्तरा शुरू कीती जाग। जिला प्रशासन नै श्रद्धालुएं गी अपील कीती ऐ जे ओह इस दरान सहयोग करन।



## Kunwar Viyogi

पैहली सितम्बर थमां जम्मू दे बक्ख-बक्ख हिस्सें च 10में “कुंवर वियोगी उत्सव-2025” दे सिलसिले तैहत आयोजत कीते जा रदे कार्यक्रमें दे इक हिस्से दे तौरा पर कल डोगरी दे मन्ने-परमन्न दे साहित्यकार ते साहित्य अकादमी नमीं दिल्ली च डोगरी भाषा दे कन्वीनर पदमश्री मोहन सिंह होरें गी कुंवर वियोगी मैमोरियल ट्रस्ट आसेया लाइफ टाइम अचीवमेंट पुरस्कार भेंट कीता गया। एह सम्मान उनेंगी डोगरी भाषा, साहित्य संस्कृति ते कला दे क्षेत्र च उन्दे योगदान लेई दिता गया ऐ।



## Weather

मौसम विभाग नै अज्ज मौसम बदलोखडा बने दे रौहने ते केई थाहरें पर हौली थमां दरम्याने दर्जे दी बरखा बरने दी पेशगोई कीती ऐ। ताजा जानकारी मूजब, अज्जै थमां लेइयै औंदी 7 सितम्बर तगर जम्मू संभाग दे किश जिलें च गरज-चमक कन्नै बरखा बरने दी पेशगोई कीती गई ऐ। एहदे अलावा मौसम विभाग नै 8 सितंबर गी चिरें रातीं थमां 9 सितंबर बडुलै तोड़ी बी दरम्याने दर्जे दी बरखा दे असार दस्से ना। एहदे बाद थमां मौसम दे सरतेहाल च किश सुधार होग ते इयै नेई स्थिति 11 सितंबर दी संझा तोड़ी बनी दी रौहगा।

<><><><><><>

## Salal-Dam

उच्चे-पहाड़ी इलाकें च बरखा ते पानी दे बधे दे स्तर गी दिक्खदे होई प्रशासन नै अज्ज रियासी जिले च सलाल डैम दे गेट खोली दित्ते ना। डैम दे ढांचे ते एहदे कन्नै लगदे इलाकें दी सुरक्षा गी दिक्खदे होई एहतियाती हीले दे तौर पर एहू गैंड पुट्टी गई ऐ। सिंचाई ते हाडें दी रोकथाम सरबंधी मैहकमे दे अधिकारिणं दस्सेआ ऐ जे पहाड़ी इलाकें थमां आवा करदे पानी दे स्तर च लगातार बादूदे गी दिक्खदे होई एहू फैसला लैता गेआ ऐ। हेठले इलाकें च रवै करदे बसनीकें गी सलाह दित्ती गई ऐ जे ओहू सौहगे-सतर्क रौहन ते इस दरान दरेया दे नेडे नेई जान। जिला इंतजामिया नै एमरजेंसी टीमें गी अलर्ट पर रक्खी दित्ता ऐ तां जे माडे हालात दरान तुरत कार्रवाई जकीनी बनाई जाई सकै।

<><><><><><>